



INSTITUTE FOR THE RESEARCH OF GENOCIDE
CANADA



20 septembar, 2012

Steve Linde
Glavni Urednik
The Jerusalem Post
The Jerusalem Post Building
P.O. Box 81, Jerusalem, 91000 Israel

Poštovani gospodine Linde,

U ime preživjelih genocida i etnickog čišćenja u Bosni i Hercegovini (BiH), obraćamo vam se da bi izrazili našu duboku zabrinutost u vezi teksta gospodina Gordon-a Bardos-a koji je pun mržnje i apsurdnih izmišljotina a koji je objavljen u Jerusalem Post-u 20og augusta ove godine pod nazivom "Balkan: Novi front militantnog Islama."

Navedeni tekst je pun neistinitih informacija čija sadržina služi za obmanjivanje javnosti kao i isticanje govora mržnje naspram Bošnjaka, naroda nad kojima su Srbi, oni koje autor spornog teksta pokušava braniti i oprati od zločina genocida, izvršili najteži zločin genocida koji se desio nakon Holokausta u Europi. Sa gnusnim lažima izrečenim u navedenom tekstu gospodin Bardos želi kompromitirati i bošnjačke politicke i vjerske lidere. Gospodin Bardos koristi srpsku propagandu punu namjerno iskrivljenih i neistinitih informacija da bi potkrijepio svoju tvrdnju u vezi sa navodnim terorizmom i prijetnjama na Balkanu. Svi oni koji su iole upućeni u dešavanja na prostoru bivše Jugoslavije znaju da je istina sljedeća i nepobitna, ne-srpski narodi unutar BiH, među kojima su Bošnjaci, bosanski Hrvati, bosanski Jevreji, bosanski Romi i drugi su iz prve ruke iskusili neke od najgorih zločina uključujući i zločin genocida, počinjen protiv čovječnosti od strane srpskih zlocinačkih falanga tokom agresije od strane Srbije i Crne Gore na suverenu Republiku Bosnu i Hercegovinu, ranih devededestih godina prošlog vijeka. Zločin genocida počinjen nad Bošnjacima u Srebrenici je dokazan i potvrđen od strane Međunarodnog suda pravde.

U kontekstu neosnovanih i izmišljenih optužbi za terorizam koje srpski nacionalisti i revizionisti historije preko svojih saradnika sirom svijeta podmeću, važno je napomenuti da je BiH tokom 2011-godine povećala svoje kapacitete u pogledu djelovanja protiv terorizma i djeluje kao kooperativan partner protiv terorizma sa Sjedinjenim Americkim Državama. Više puta je potvrđeno od strane relevantnih agencija iz Europe i SAD-a da je suradnja sa bosanskim kolegama na polju anti-terorizma na visokom nivou. Također, poslije terorističkog napada na američku ambasadu u Sarajevu, koja je izvedena od strane teroriste iz Srbije, 28og oktobra prošle godine, a koji je naveden u tekstu, poglavar Islamske zajednice u BiH, Reis-ul-ulema Dr. Mustafa Cerić je oštro i otvoreno kritikovao ekstremizam kroz svoje javne nastupe i prilikom obavljanja religijskih javnih propovijedi.ⁱ Važno je napomenuti da bošnjačke i jevrejske zajednice dijele jaku historijsku vezu i sudbinu na prostoru BiH. Na nedavnoj ceremoniji

otvaranja godišnjeg sastanka svjetskih vjerskih lidera u okviru 25og godišnjeg susreta Zajednice St. Egidio koji je održan u Sarajevu, Reis-ul-ulema Dr. Mustafa Cerić je predstavio svjetski poznatu "Sarajevsku Hagadu", generalnom direktoru Izraelskog Rabinata gospodinu Oded Viener-u. Sarajevska Hagada je preživjela i opstala sve ove godine i ratove uključujući i zadnju agresiju na BiH od strane Srbije i Crne Gore, samo zato što je bila zaštićena kao svoja od strane bošnjačke zajednice i njenih lidera u Sarajevu.ⁱⁱ

Prije nego što vaš uvaženi list da prostor i platformu za iznošenje gnusnih laži koje služe za širenje srpske propagande i pokušaja pronalaska opravdanja za zločin genocida počinjenog od strane srpskih agresora nad nedužnim Bošnjacima tokom agresije na BiH, kako vi i vaš list tako i vaši cijenjeni čitaoci bi imali najviše koristi kada bi prije objavljivanja istražili stvarne razloge pisanja od strane gospodina Bardos-a. Naime gospodin Bardos je organizirao dolazak poznatog negatora genocida Milorada Dodik-a, predsjednika manjeg BH entiteta, dok je bio uposlenik Kolumbija Univerziteta u New York-u, da održi predavanje o BiH. Na ovom javnom skupu gdje je svako tko se uredno registrirao ima pravo ulaska na mjesto održavanja predavanja, na žalost svi oni koji su imali ne-srpska imena a uredno bili registrirani nisu imali pravo prisustva jer su vraćeni sa vrata bez ikakvog opravdanja.ⁱⁱⁱ Nakon vala protesta od strane bosanskih, jevrejskih i američkih organizacija povodom ovog incidenta, i interne istrage provedene od strane Kolumbija Univerziteta, gospodin Bardos je podnio ostavku. Na osnovu ovog incidenta da se zaključiti da su njegovi stavovi prema bošnjačkom narodu, narodu koji je pretrpio genocid od onih istih čije interese gospodin Bardos zastupa, sadržajni mržnjom i neistinama, sto je izraženo i u samom tekstu.

U ime preživjelih genocida i etničkog čišćenja u BiH i uz dužno poštovanje tražimo vase izvinjenje i zahtjevamo da Jerusalem Post ukloni tekst koji je napisao gospodin Bardos.

S poštovanjem,

Haris Alibašić, MPA, Predsjednik
Kongres Bošnjaka Sjeverne Amerike (KBSA)
cnab@bosniak.org

Professor Emir Ramić, Predsjednik
Institut za istraživanje genocida, Kanada (IRGC)
info@instituteforgenocide.org

Sanja Seferović-Drnovšek, J.D, MEd, Chair
Bosnian American Genocide Institute and Education Center (BAGI)
sanja.bagi@gmail.com

Denita Pašić, Esq.
Član upravnog odbora i Pravni savjetnik
Savjetodavno Vijeće za BiH
dpasic@kplaw.cc

ⁱ <http://www.unhcr.org/refworld/docid/501fbcc01e.html>

ⁱⁱ <http://vaticaninsider.lastampa.it/en/homepage/world-news/detail/articolo/sarajevo-18030/>

ⁱⁱⁱ <http://www.columbiaspectator.com/2011/10/26/balkan-politician-draws-protesters-low-library-speech>